

**SPORAZUM O NAUČNOJ, ISTRAŽIVAČKOJ I STRUČNOJ SARADNJI IZMEĐU
VISOKE ŠKOLE „CEPS – CENTAR ZA POSLOVNE STUDIJE“ IZ KISELJAKA (U DALJEM TEKSTU:
„CEPS“) I UDRUŽENJA ZA DRUŠTVENI RAZVOJ I PREVENCIJU KRIMINALITETA IZ MOSTARA
(U DALJEM TEKSTU: „UDRPK“)**

Vođeni željom i potrebom za uspostavljanjem međusobne suradnje u oblasti istraživanja, projektnim aktivnostima i jačanju struke,

Spremni na efikasnu saradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem saradnje u oblasti naučnog istraživanja i jačanja civilnog društva u BiH,

„CEPS“ i „UDRPK“ su se usaglasili o slijedećem:

Svrha i oblast saradnje

Članak 1.

Suradnjom će se uspostaviti partnerski odnosi između strana u stručnoj, edukativnoj, izdavačkoj i naučno-istraživačkoj oblasti.

Način ostvarivanja saradnje

Članak 2.

Strane će međusobno surađivati kroz razne oblike, a posebno kroz:

1. Mogućnost zajedničkog organiziranja naučno-istraživačkih aktivnosti, konferencija, simpozija, seminara, radionica,
2. Razmjenu stručnih i naučnih informacija kroz razmjenu časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta,
3. Izradu, aplikaciju i realizaciju zajedničkih i pojedinačnih istraživačkih projekata,
4. Promociju individualnih kontakata među akademskim i stručnim kadrom,
5. Poticaj aktivnosti od zajedničkog interesa obje institucije,
6. Proučavanje problema od zajedničkog interesa i pronalaženje najboljih načina njihovog rješavanja,
7. Druge oblike saradnje od zajedničkog interesa.

Upotreba dokumentacije i stručnih radova

Članak 3.

Strane će, uz potpuno uvažavanje autorskih prava i zaštite ličnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Izmjene i dopune Sporazuma
Članak 4.

Ovaj Sporazum podliježe izmjenama i dopunama, uz pisanu saglasnost obje strane.

Važenje Sporazuma
Članak 5.

Ovaj Sporazum se zaključuje na neodređeno vrijeme, a stupa na snagu danom potpisivanja.

Prestanak Sporazuma
Članak 6.

Sporazum prestaje važiti njegovim otkazom jedne od strana u pisanom obliku.

Strana koja traži raskid Sporazuma, dužna je obavijestiti u pisanom obliku drugu stranu, najmanje šest (6) mjeseci prije dana određenog za raskid Sporazuma.

Članak 7.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.

Broj: 2979/16

Datum: 25.11.2016.

Za „CEPS“

Mirzo Selimić, direktor



Za „UDRPK“

Maja Pajević, predsjednik

